



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

I. Quia Virgo est Mater Ecclesiæ.

[urn:nbn:de:hbz:466:1-51821](https://nbn-resolving.de/urn:nbn:de:hbz:466:1-51821)

Regina teneremus: Nullus ex nobis tam potens & magnus fuit, qui non cuperet eam videre quamobrem alternatum ad eam veniebamus, & ab ea recedebamus admirantes tantam gratiam.

Pulcherrimè hanc rem exprimit Jacobus Archesp. Junuensis in suo Mariali serm. 6, sum ait: Cælum circa stellam maris se vertit, sic tota curia Cælestis ad B. Virginem attendit, gyrum cæli circuivit, ait ipsa Eccles: 24. Tunc quippe gyrum cæli circum, quando totam cælestem curiam ad se attendere facit.

CAPVT IV. Ecclesia Beatam dicit Sanctam Virginem.

I. Quia Virgo est Mater Ecclesiæ.

Luc: 2. Peperit Filium suum primogenitum, at ubi alij? nomen hoc utique alios videtur respicere? Mater nostra Maria, quæ licet non nisi Filium unicum carnalem genuerit, in eo tamen spiritualis Mater effecta est magnæ multitudinis filiorum, quorum primogenitus est Christus Richard, à S. Luter. respondet. lib. 2. p. 1. & addit: Sicut mater Eva est dicta omnium viventium vita naturæ, Gen. 3, sic Maria Mater omnium viventium vita gratiæ. Ipsa etiam propter hoc figurata est per Saram quæ non nisi unicum carnaliter peperit Abrahæ; tamen Mater dicta est Populi Israælitici. Unde Iсаi: 51. dicitur Judæis: Attende ad Abraham Patrem vestrum & ad Saram quæ peperit vos.

In idem recedit quod dixit Guerius Abbas serm. 2. de Nativit. O Mater incorrupta, Virgo facunda, Filius qui datus est tibi, filios dedit tibi. Idem serm. 1. de Assumpt. ad illud Galat. 4. Filioli mei quos iterum partario. Si servus Christi filios suos iterum, atque iterum parturit, cur atque desiderio pietatis, donec formetur in eis Christus, quanto magis ipsa Mater Christi?

Explicat hoc Albert. Mag. super missus. Omnimodum Sanctorum quos per spiritualem gratiam mediante Virgine regeneravit Deus, dicitur Mater. Imo etiam Angelorum dicitur Mater, quia ipsa mediante ipsorum restaurata est ruina.

Hinc Moysi olim supremo Duci Ecclesiæ collata est inaugratio prope Rubrum ardentes incombusum Virginitatis Marianæ symbolū. Aaroni summus Pontificatus et Virga florente prodidit, quæ ipsa Virginis istius erat imago: Virgo enim erat futura regalis Jesse. Hinc

Hinc fortasse Greg. Nazian: illam vocat Formam credentium. *Andr. Jeros.*
in solut. Aug. Fermentum sanctorum Dei, quo tota generis humani massa conspersa
 est ex uno Christi corpore, seu panis factus, in vinum coijt, incredibilis con-
 creatio.

z. Quia gentes ad Ecclesiam inducit,

Non dubium quin & nos in mancipatu dæmonis jacuissimus, nisi hæc Virgo
 manum porrexisset. *S. Cyri. Alex. hom. 6. contra Nest.* hoc testatur; & in hunc
 modum grates refert. Sit tibi sancta Dei Mater laus, per te Trinitas sanctificatur,
 per te Crux pretiosa celebratur, & adoratur in toto Orbe terrarum, per te omnis
 creatura Idolorum errore detenta, conversa est ad agnitionem veritatis, atque in toto
 Orbe terrarum constructæ sunt Ecclesiæ. Te adjutrice gentes veniunt ad pænitentiam,
 quid plura? per te unigenitus Filius, vera illa lux effulgit sedentibus in te-
 nebris, & umbra mortis. Vocabat autem ad fidem Virgo verbis, & exemplis.
S. Brigitta alicubi scripsit *ex Revel.* In hoc mundo Filius tuus multis te annis ma-
 nere permisit, & tunc per tua verba prudentissima, gestus honestissimos, & opera
 virtuosissima innumerabiles Judæos, & Infideles Paganos ad fidem Catholicam
 convertisti.

Et hoc videtur ipsa Virgo cantic. 7. egisse. *Veni dilecte mi egrediamur in agrum,*
commoremur in villis. Quod Guillelmus sic exponit. Egressiamur de illa Ierusalem
 quæ melius Babylon, egressiamur in mundum universum, commoremur in villulis
 gentium, usque ad vesperam seculi: nam tecum manebo, ubique morari
 feceris, nam grata erit mihi omnium gentium salus. *Et rursus* cantic. ibid. *Mane*
surgemus ad vineas. Idem explicator agit. Surgamus inquit Mater ad Filium ad vineas,
 hoc est in Ecclesiæ per orbem plantandas, quæ in unam magnam vineam redigantur,
 hoc est in Ecclesiæ Catholicæ.

Hinc forte *S. August.* lib. de *S. Virginitate* dixit: Mater est Maria omnium fi-
 delium, & membrorum Christi; quia cooperata est charitate, ut illi in Ecclesia
 nascerentur. *S. Cyri. Alex. loc. citato.* Per te S. Baptisma & oleum exultationis
 obtingunt credentibus. Per te in universo mundo fundantur Ecclesiæ. Per
 te gentes, & infideles ad pænitentiam adducuntur. Per te Apostoli salutem gen-
 tibus prædicarunt. Romam hand dubiè *Petrus* S. Fide illustravit; fidem tamen
 Romani ad Virginem videntur retulisse, dum eam domum in templum S. Virginis
 consecrant, quam teste *Borzi* lib. 9. designis Ecclesiæ cap. 9. in via lata Magister fidei
 hospitio nobilitavit.